



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 18. Ludovicus Valdivia finitimos populos rebelles Regi Catholico conciliat.

urn:nbn:de:hbz:466:1-38528

duceretur; si ultrò hostes offenderent, bellum bello repellerent. In injusta servitia severè animadverteretur. Duodecim de Societate Patres per Hispanorum præsidia in rebellium finibus, sumptibus Regiis, alerentur, qui amicos indigenas in officio continerent, prohiberentque fieri injurias, & hostes ad partes Christi Regisque allicerent. Difficilis erat hæc provincia, exigebatque hominem magnanimum æquè ac prudentem. Quamobrem Rex, cùm magna virtutis specimen ex patris Valdiviæ dictis & fama cepisset, cum huic negotio præficiendum censuit; quod ut majori autoritate administrareret, Episcopum Chilensem creari volebat, quo ob instituti nostri rationes, & Ludovici Valdiviæ modestiam, non impetrato, eum saltē per Chilense regnum Regiorum negotiorum, ad sublevandam Indorum vexationem, Visitatorem, ut vocant, & pacis arbitrum, Episcopatumque administratorem, suffragante per litteras Claudio Aquavâ, ampla cum potestate constituit. Scilicet anti verò Regi, quis vir regendo Chilensi regno eâ tempestate idoneus videretur, Valdivia respondit, Alfonsum Riberam Prætorem suæ restituī posse, quod in eo homine belli artes, agendi dexteritas, & oblectans difficultatibus animus eminerent. Datum acceptumque consilium est, & Ludovicus Valdivia, cum auxiliiorum Sociorum manipulo, sumptibus Regiis, in Americam renavigavit. In Peruviam appulsi, Proregem, prout in mandatis habebat, de Senatus-confulto docet; cui cùm non repugnaret, celeri navigatione ad Chilense regnum, quod Didacus Torres & Alfon-sus Ribera Prætor se conculcabant, tevehitur.

CAPUT

XVIII.
Ludovicus
Valdivia
finitos
populos re-
belles Regi
Catholico
conciliat.

Valdivia
subsidarios
differt.

Ad robelles
pergit.

Cum iù col-
loquitur.

Ad pacem
inclinat.

MAGNUM erat Ludovici Valdiviæ apud Chilenos nomen, tum ob propriam virtutem, tum vel maximè quod obstacula Indorum saluti opposita omni ope amovere contendere. Sed ob eam rem, tam sibi infensos Indorum vexatores, quam amicos Barbaros experiebatur. Ubi ergo fama percrebuit ad Conceptionis portum appulisse, Indorum Domini non ignari corum, quæ ab Rege Catholico, eo admittente, decreta fuerant, variis modis obstrepuere. Sed ille rumores ante salutem Indorum habere, leve astimans, accepta à Didaco Torres per litteras Vicariâ potestate, advectionis Socios circa rebellium fines in Hispanorum præsidii constituit; & communicatis cum Alfonso Ribera Prætore consiliis, adventus sui, & terum abs se in Hispania gestarum, famam apud hostes per captivos, ad id dimissos, longè latèque spargit. Quibus rebus cognitis, illicò Cataraminæ vallis incola rebelles nuncios ad eum misere, postulantes, ut, si vera essent quæ nunciabantur, vellet ipsè cum gentis Primoribus de pace colloqui. Non abnuit Valdiviæ, nulli non periculo, pro bono gentis, caput suum exponere promptus. Datâ utrimque fide, ex Araucana arce (ubi interim Venerabile Sacramentum pro sua in columitate & felici rerum successu exponi voluit) ad hostium confessum properat. Quinquaginta Ullmeni (sic gentis Primores vocant) ex Araucana, Tucapelana, & Purena valle montibusque nivosis, omnino convenerant, & aderant militiæ Duces cum armatis cohortibus. Ad quos longam de Regis Catholici clementia, & laboribus abs se suscepis, habuit Orationem, cuius summa hæc est. *In Chilensi Regno, inquit, soli animarum saluti intentus, nullorum corporibus haec tenus noxius, pacè consensu, nihil satius habens, quam si unius Dei cultus omnium cordibus insinuaretur.* Cum verò multa huic rei obstatre viderem, nullum lapidem non movi, quo obstacula amoverem. Bis in Peruviam, semel in Hispaniam vestrâ causâ navigavi, non sine operâ pretio. Nam Rex Catholicus, vestrarum animarum jaclura condolens, prateritarum injuriarum oblitus, totus in eo est, ut utrumque inutili bello etiam cum aliquo autoritatâ sua dispensio finis imponatur. Id ut etiam velitis, per vestras armatas cohortes in hoc hostile solum solus & inermis rogatum venio, spondens, Regis Catholici nomine, si pax placet, neminem externis servitum. Finita Oratione, cùm per interpretem legi jussisset Regis litteras, & exposuisset pacis commoda, bellique mala, necnon ingentia quæ ex verbi Dei auditione ac Christianis præceptis bona percipiuntur; atque adeò suam Societatisque operam, ad eos in Fide instruendos, & ab vexationibus defendendos, multis verbis obtulisset, ita omnium animi commoti sunt, ut plerique cum lacrymis ejus dexteram oscularentur, affirmantes, si belli cause præscinderentur, Regis

Catholici

Catholici imperata facturos. Interim Didacus Torres Provincialis Horatium Bechium & Martinum Arandam, linguae peritos, ē regni metropoli, ubi constitutis, ad Conceptionis urbem Ludovico Valdiviæ miserat, eorum operâ ad hostes conciliandos pro opportunitate usuro.

FINITIMIS conciliatis, lubuit eorum animos tentare, qui terra interiora habitant. Chileni rebelles in variis distracti factiones, tot duces habent, quod regiones: ad quos Alfonsus Ribera Prætor & Ludovicus Valdiviæ nuntios mittentes, à plerisque pacis responsa recipiebant. Inter hos, qui se pacis conditionibus non inclinabant, dolum subesse arbitrantur, præcipui erant Aínavilla & Aganamon, neenon Utablame, maximarum factiorum duces. Hic Liecuræis, illi Purenis imperitabant. Aganamon tamen, datâ utrimque fide, cum Valdivia, Bechio & Aranda collocutus, visis Regis Catholici diplomatis, ita permotus est, ut ad reliquæ gentis conciliandos animos ultrò ad remota popularium suorum oppida le contulerit: apud quos dum serio pacis negotium urget, occasione absentiæ Hispana mulier, captiva Aganamoni pellex, cum duabus prolibus, & Barbaræ duæ ejusdem etiam concubinæ, suo utentes jure, ad Hispanorum castrum configentes, magnos motus excitavere. Nam ubi Barbaro fuga pellicum suarum innotuit, & frustra eas, quod Christianæ essent, ab Hispanis reposceret, negantibus Sociis id fieri posse, dissimulato furore, nihilominus in pacis negotio in speciem persistens, vindictam dolosè machinabatur. Interim dum hæc cum Purenis geruntur, Ludovicus Valdiviæ Utablame Liecuræorum duci filium, apud Hispanos dudum captivum, libertate donatum dono misit, rogans ut secum & cum Prætore Regio vellet colloqui. Beneficium aestimavit Barbarus, venitque cum sexaginta factionis suæ Casquis ad castrum Paicavim, ubi eos præstolabatur regni Prætor, & Valdivia cum Sociis. Præcedebant quindecim gentis Sacerdotes in talari veste ramum cinnami manu, & capite pileos algâ marinâ, pro suo more in signum pacis, redimitos gestantes. Simul ac Barbatî ad Hispanorum arces venire, sic ex abrupto Utablame, septuaginta atinorum senex, Ludovicum Valdiviam in limine obvium breviter alloquutus fertur. *Non, inquit, armorum pavor, aut Hispanorum vires, ad pacisendum me adiungunt, qui ab ineunte atate militia Præfetus, sex-decim omnino Chileni regni Prætores sibi invicem subsequentes, jam inde ab Villagrano, non tantum fatigavi, sed etiam insignibus cladiibus affeci. Sed tuum me beneficium, o Pater magne, restituto filio, & Regis Catholici clementia, ultrò bonas conditiones offerentis, ad pacem trahit.* Hæc ferocij, quâm urbano similior cùm dixisset, ad Prætorem introducitur. Prætor, ne ostentatione virium exacerbaret Barbaros, in adventu Utablame vetuit tormenta explodi, & sede æquans se Barbaro, postulat quibus conditionibus vellet pacem fieri: cùm respondisset, placere sibi eas, quas Valdivia scriptas à Rege attulerat, dummodo Sancti Hieronymi castrum, quod in finibus Hispani construxerant, destrueretur, & Aganamoni duæ saltæ fugitivæ restituerentur, Societasque suarum animarum curam susciperet: illicè Prætor per interpretem pronunciari jubet, placere eti sibi, postquam cæteræ factiores in pacis conditiones consenserint, S. Hieronymi castrum destrui: Aganamoni filiam Ethnicam restitui posse, pellices & filiam Christianas reddi non posse. Denique cùm Valdivia asseverasset, se Sociosque omnes totius gentis salutem lubentissime impensuros, Utablame, Liecuræorum & Purenorum, quorum nuncii aderant, nomine, ramum cinnami in signum pacis Prætori offert, vicissimque alterum à Prætore & pretiosa dona recipit. Sic inter mutuos amplexus & acclamations solemnî formâ, ipso Conceptionis Virginis MARIAE die, in arce Paicavi, admittente Ludovico Valdiviâ, pax Liecuræos inter & Hispanos promulgata est.

PACE Sancita, Utablame volebat IESU Socios ad interiora regni statim secum pergere, ut reliquias rebellium factiones iisdem conditionibus Regi Catholico conciliarent. Sed clam in secreto confessu præclarè ab nostris disceptatum est, num id conducibile foret. Disflasores exaggerabant Barbarorum ferocitatem, &

CAPUT

XIX.
Ludovicus
Valdiviæ in-
terioris po-
pulos cum
Prætore pa-
cificat.

Rebellium
duces.

Aganamon
colloquatur.

Eius polices
fugient.

Utablame do-
pacis condi-
tionibus a-
ctuaria venit.

Utablame
superbia.

Alfonsi Ri-
bera Præ-
toris modestia

Pacis condi-
tiones.

Pax concul-
ditur.

CAPUT
XX.
De mittendis
Sociis
delibera-
tor.
Diffusorum
rationes.